

Memorandum o saradnji

zaključen između

Federalne agencije za upravljanje oduzetom imovinom

i

Ministarstva unutrašnjih poslova Kantona Sarajevo – Uprava policije

Sarajevo, oktobar 2023. godine

FEDERALNA AGENCIJA ZA UPRAVLJANJE ODUZETOM IMOVINOM, sa sjedištem u Sarajevu, ulica Put života broj 2 (u daljem tekstu: Agencija) koju zastupa v.d. direktor Emir Bašić

i

MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE, sa sjedištem u Sarajevu, ulica La Benevolencija broj 16 (u daljem tekstu: Uprava policije KS) koju zastupa policijski komesar, generalni inspektor policije Fatmir Hajdarević, zaključili su

M E M O R A N D U M o saradnji

I OPŠTE ODREDBE

Član 1.

Ovaj sporazum se zaključuje sa ciljem uspostavljanja saradnje u oblasti stručne edukacije državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom, stvaranja potrebnih preduvjeta za izvršenje sudskih odluka vezanih za oduzimanje imovinske koristi u smislu odredbi Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14) (u daljem tekstu: Zakon), kao i pružanja međusobne saradnje iz drugih zakonom utvrđenih nadležnosti Agencije i Uprave policije KS.

Član 2.

Potpisnici su saglasni da se ovim sporazumom definišu nadležnosti, načela, predmet saradnje i pružanja pomoći u skladu s nadležnostima proisteklih iz zakonskih i podzakonskih propisa.

Član 3.

Ovim sporazumom se određuju osnove saradnje, uloge, obaveze i odgovornosti potpisnika ostavljajući mogućnost da se kasnije dodatno, preciznije i detaljnije utvrđuje njegov sadržaj ili pojedini djelovi sadržaja.

II NADLEŽNOSTI

Član 4.

(1) Agencija je u smislu odredbi Zakona nadležna za upravljanje privremeno i trajno oduzetom imovinom, provođenje analiza u području oduzimanja imovinske koristi pribavljene krivičnim djelom, stručnu edukaciju iz područja finansijskih istraga i oduzimanja imovinske koristi pribavljene krivičnim djelom skladištenje, čuvanje, predaju, nošenjem, edukacija

ovog i drugih zakona, vođenje evidencija o imovini kojom raspolaže i upravlja, sudskim postupcima u kojim se odlučuje o takvoj imovini, te obavljanje i drugih poslova predviđenih Zakonom.

- (2) Odredbom člana 10. stav 7. Zakona o oduzimanju nezakonito stečene imovine krivičnim djelom propisano je da pravomoćnu presudu kojom se oduzima imovinska korist, sud dostavlja Agenciji na nadležno postupanje.
- (3) Odredbom člana 24. stav (4) Zakona o oduzimanju nezakonito stečene imovine krivičnim djelom propisano je da sud provođenje izvršenja rješenja na osnovu presude kojom se oduzima imovinska korist može u potpunosti ili djelomično povjeriti Agenciji.
- (4) Odredbom člana 17. st.(7. – 9.) propisano je da izvršenje sudskih rješenja o određivanju privremenih mjera osiguranja imovinske koristi (privremeno oduzimanje imovine) provodi Agencija u hitnom postupku.
- (5) Odredbom člana 25. stav (4) propisano je da su državni i drugi organi, javne službe i organizacije obavezne pružiti pomoć Agenciji u njenom radu.

Član 5.

Članom 13. stav 1. Zakona o unutrašnjim poslovima Kantona Sarajevo („Sl.novine Kantona Sarajevo“, br. 1/16, 6/19 – autentično tumačenje, 26/19, 31/19 i 39/20), određena je nadležnost Uprave policije KS koja se odnosi na pružanje pomoći drugim organima i pravnim licima u smislu pomoći drugim organima, preduzećima i drugim pravnim licima kojima je povjereno vršenje javnih ovlaštenja, radi osiguranja izvršenja poslova iz njihove nadležnosti, ako se prilikom izvršenja tih poslova i zadataka naiđe na fizički otpor ili se takav otpor može osnovano očekivati.

III NAČELA

Član 6.

Agencija i Uprava policije KS su saglasni da će sarađivati u svim zajedničkim aktivnostima poštujući načela javnosti, efikasnosti, stručnosti, odgovornosti i ekonomičnosti.

IV PODRUČJA SARADNJE

Član 7.

- (1) Uprava policije KS se obavezuje da će u skladu sa potrebama Agencije, a prilikom izvršenja sudskih odluka, u slučaju potrebe, pružiti asistenciju Agenciji prilikom postupanja Agencije u skladu sa odredbama Zakona o oduzimanju nezakonito stečene imovine krivičnim djelom, a shodno procjeni stepena složenosti operativne aktivnosti, te raspoloživim personalnim i materijalno tehničkim kapacitetima. Uprava policije KS će Agenciji pružiti potrebnu pomoć kako bi se osiguralo sigurno i efikasno izvršenje poslova i zadataka Agencije vezano za oduzimanje nezakonito stečene imovine krivičnim djelom.

- (2) Pomoć iz stava (1) ovog člana podrazumjeva poduzimanje mjera i radnji od strane službenika Uprave policije KS u obimu i na način uređen podzakonskim aktima MUP-a KS kojim je propisana procedura postupanja policije prilikom pružanja pomoći drugim organima.
- (3) Uprava policije KS i Agencija su saglasne da pomoć u skladu sa odredbama st. (1) i (2) ovog člana, a kada se radi o licima i imovini i kada to sigurnosni uslovi zahtjevaju, podrazumjeva stvaranje posebnog sigurnosnog ambijenta od početka provedbe odluke suda do momenta ulaska Agencije u posjed iste, kao i tokom trajanja perioda upravljanje u ovisnosti od svake pojedinačne konkretne situacije zahtjeva Agencije.
- (4) Agencija se obavezuje da će u slučajevima kada joj je povjerena realizacija sudskih odluka o oduzimanju imovine Upravi policije KS pružiti raspoložive informacije potrebne za provođenje procjene stepena složenosti operativne aktivnosti, kako bi se usaglasilo zajedničko djelovanje koje za cilj ima sigurno i efikasno izvršenje sudske odluke vezano za oduzimanje nezakonito stečene imovine krivičnim djelom.
- (5) Agencija i Uprava policije KS se obavezuju da će po potrebi vršiti analizu pravnog okvira i drugih pitanja vezanih za realizacije sudskih odluka o oduzimanju imovine, te će kod nadležnih organa zakonodavne, izvršne i sudske vlasti ili drugih relevantnih tijela inicirati izmjene i dopune zakonskih i podzakonskih propisa i rješavanje drugih pitanja potrebnih za efikasnu realizaciju sudskih odluka o oduzimanju imovine.
- (6) Agencija i Uprava policije KS, odnosno potpisnice su saglasne da će uspostaviti saradnju radi razmjene iskustva, informacija i tehničke pomoći u skladu sa zakonskim ovlastima, a u vezi organizovanja zajedničkih i pojedinačnih edukacija iz područja finansijskih istraga i oduzimanja imovinske koristi pribavljene krivičnim djelom.
- (7) Agencija se obavezuje da će u okviru izvršenja poslova iz člana 30. stav (1) tačka c) Zakona, a koji se odnose na provođenje stručnih edukacija iz područja finansijskih istraga i oduzimanja imovinske koristi pribavljene krivičnim djelom uključivati službenike Uprave policije KS, kao i da će po pozivu Uprave policije KS imenovati osobu ispred Agencije za provođenje stručnih edukacija koje organizuje Uprava policije KS iz ove oblasti.
- (8) Agencija i Uprava policije KS će angažovanje edukatora i učesnika edukacija vršiti međusobnim dogovorom za svaku pojedinu edukaciju.

V NOSITELJ POSLOVA SARADNJE

Član 9.

Nositelj poslova saradnje će se organizovati na nivou Agencije i Uprave policije KS, odnosno organizacionih jedinica u okvirima istih.

VI ZAVRŠNE ODREDBE

Član 10.

Ovaj memorandum je potpisan u četiti istovjetna primjerka od kojih svaka strana zadržava po dva primjerka.

Član 11.

Ovaj memorandum stupa na snagu danom potpisivanja.

POTPISNICI MEMORANDUMA:

Federalna agencija za
upravljanje oduzetom imovinom

v.d. DIREKTOR


Emir Bašić

Broj: 01-45-49
Sarajevo, 11.10.2023. godine



Ministarstvo unutrašnjih poslova
Kantona Sarajevo – Uprava policije

POLICIJSKI KOMESAR
Generalni inspektor policije


Fatmir Hajdarević

Broj: 132/23
Sarajevo, 11.10.2023. godine

